

626

Na osnovu člana 15. Zakona o Upravi za indirektno oporezivanje ("Službeni glasnik BiH", broj 89/05) i člana 61. stav 2. Zakona o upravi ("Službeni glasnik BiH", br. 32/02 i 102/09), direktor Uprave za indirektno oporezivanje donosi

UPUTSTVO**O PROVOZU ROBE FIKSNIM PRIJEVOZNYM
INSTALACIJAMA****DIO PRVI - OPĆE ODREDBE**

Član 1.

(Predmet)

Ovim uputstvom propisuje se postupak provoza robe fiksnim prijevoznim instalacijama, način provođenja i druga pitanja u vezi navedenog.

Član 2.

(Upotreba muškog i ženskog roda)

Izrazi koji su radi preglednosti dati u jednom gramatičkom rodu odnose se bez diskriminacije i na muškarce i na žene.

Član 3.

(Zakoni i drugi propisi)

Ako nije drugačije navedeno, podrazumijeva se da upućivanje u ovom uputstvu na zakone i druge propise uključuje i izmjene i dopune tih zakona i drugih propisa koje stupaju na snagu datumom stupanja na snagu ovog uputstva ili nakon tog datuma.

Član 4.

(Pravni osnov)

Postupak provoza reguliran je:

- a) odredbama čl. 65. - 66. i 105. - 114. Zakona o carinskoj politici u Bosni i Hercegovini ("Službeni glasnik BiH", br. 58/15), (u daljnjem tekstu: Zakon),
- b) odredbama čl. 150. i 244. - 341. Odluke o provedbenim propisima Zakona o carinskoj politici u Bosni i Hercegovini ("Službeni glasnik BiH", br. 13/19, 54/19 i 21/20), (u daljnjem tekstu: Odluka).

Član 5.

(Definicije i šifre)

- (1) U smislu ovog uputstva, pojedini izrazi i šifre imaju sljedeće značenje:
 - a) fiksne prijevozne instalacije:
 - 1) "roba koja se prenosi cjevovodom": nafta i naftni derivati, gas i voda,
 - 2) "roba koja se prenosi električnim vodom": električna energija,
 - b) "nadzorni carinski ured" je:
 - 1) kod robe koja se provози cjevovodom: carinski ured nadležan prema mjestu prijema (mjerno mjesto) u završetku provoza cjevovodom,
 - 2) kod robe koja se u izvozu provози cjevovodom: carinski ured nadležan prema mjestu otpreme (mjerno mjesto) stavljanjem u sistem cjevovoda,
 - 3) kod provoza električne energije: carinski ured nadležan prema sjedištu operatera prijenosnog sistema,
 - c) "operater cjevovoda": lice koje upravlja i odgovorno je za cjevovod i korisnik je postupka provoza,
 - d) "operater prijenosnog sistema": Neovisni operater sistema u Bosni i Hercegovini (u daljnjem tekstu: NOS BiH), uspostavljen Zakonom o prijenosu, regulatoru i operateru sistema električne energije u Bosni i Hercegovini ("Službeni glasnik BiH", br. 7/02, 13/03, 76/09 i 1/11),
 - e) "operater distributivnog sistema": elektroenergetski subjekt nadležan za evidentiranje i kontrolu

prekogrančnih transakcija na distributivnoj mreži koja je u pitanju,

- f) "UIO": Uprava za indirektno oporezivanje.
- (2) Za potrebe ovog uputstva, provozom se smatra samo onaj prijenos robe fiksnim prijevoznim instalacijama preko carinskog područja koji je izvršen istovremeno, odnosno u isti obračunski sat.
- (3) Provoz se može izvršiti kao:
 - a) prijenos robe od mjesta na ulazu u carinsko područje do objekta ili distribucijske mreže primaoca,
 - b) prijenos robe od mjesta na ulazu do mjesta na izlazu iz carinskog područja,
 - c) prijenos robe od objekta pošiljaoca do mjesta na izlazu iz carinskog područja.

**DIO DRUGI - POSTUPAK PROVOZA ROBE KOJA SE
PRENOSI FIKSNIM PRIJEVOZNYM INSTALACIJAMA**

Član 6.

(Početak i okončanje postupka provoza robe fiksnim prijevoznim instalacijama)

- (1) Shodno članu 286. stav (2) Odluke, za robu koja se prenosi fiksnim prijevoznim instalacijama smatra se da je stavljena u postupak provoza:
 - a) u momentu ulaska u carinsko područje Bosne i Hercegovine, za onu robu koja u to područje ulazi fiksnom prijevoznom instalacijom,
 - b) u momentu stavljanja u sistem fiksne prijevozne instalacije, za onu robu koja se već nalazi u carinskom području Bosne i Hercegovine.
- (2) Shodno članu 286. stav (5) Odluke, postupak provoza za robu koja se prenosi fiksnom prijevoznom instalacijom smatra se okončanim kada roba koja se prenosi fiksnom prijevoznom instalacijom stigne u objekte primaoca, bude prihvaćena u njegovu distribucijsku mrežu ili napusti carinsko područje Bosne i Hercegovine. Završetak postupka provoza mora biti evidentiran u poslovnoj evidenciji primaoca ili lica koje upravlja fiksnom prijevoznom instalacijom.

Član 7.

(Evidencija i izvještaji)

- (1) Lice koje je uključeno u prijenos, uvoz ili izvoz robe koja se prenosi fiksnim prijevoznim instalacijama, dužno je da vodi evidenciju na način odobren od strane nadzornog carinskog ureda i da na zahtjev carinskog ograna istu stave na njegovo raspolaganje zbog bilo kakve kontrole koja se smatra potrebnom, a koja je povezana sa postupkom. Svaka promjena načina vođenja evidencije mora biti prethodno najavljena i odobrena od strane nadzornog carinskog ureda.
- (2) Na osnovu evidencije iz stava (1) ovog uputstva, lice koje je uključeno u prijenos, uvoz ili izvoz robe koja se prenosi fiksnim prijevoznim instalacijama dužno je najkasnije do 10-tog u tekućem mjesecu da pripremi izvještaj za realizirane količine robe po tipovima postupka (provoz, izvoz i uvoz) u prethodnom mjesecu i da isti dostavi korisniku postupka provoza i nadzornom carinskom uredu.
- (3) Nakon izvršenog upoređivanja podataka u izvještaju iz stava (2) ovog člana sa podacima koji su uneseni u sopstvenoj evidenciji, korisnik postupka provoza dužan je najkasnije do 20-tog u tekućem mjesecu da pripremi izvještaj za realizirane količine robe po tipovima postupka (provoz, izvoz i uvoz) u prethodnom mjesecu i da isti dostavi nadzornom carinskom uredu.
- (4) Lica koja su uključena u prijenos, uvoz ili izvoz robe koja se prenosi fiksnim prijevoznim instalacijama i korisnik postupka provoza odgovaraju za tačnost podataka u izvještajima navedenim u stavovima (2) i (3) ovog uputstva.

- (5) Nadzorni carinski ured vodi evidenciju primljenih mjesečnih izvještaja i prati da li su za navedene količine u izvještajima podnesene odgovarajuće carinske deklaracije za stavljanje robe u sljedeći carinski postupak.
- (6) Pojedinačni ulaz, odnosno izlaz robe koja se prenosi fiksnim prijevoznim instalacijama ne evidentira se u novi kompjuterski provozni sistem (NCTS) ili u druge elektronske sisteme za evidentiranje carinskih deklaracija.

Član 8.

(Glavni obveznik i oslobađanje od polaganja obezbjeđenja za provoz fiksnim prijevoznim instalacijama)

- (1) Za robu koja se u postupku provoza prenosi fiksnim prijevoznim instalacijama korisnik postupka provoza je operater fiksnih prijevoznih instalacija, a isto lice se smatra i prijevoznikom.
- (2) Za robu iz stava (1) ovog člana, shodno članu 109. tačka (b) Zakona, ne polaže se osiguranje za obezbjeđenje plaćanja carinskog duga u postupku provoza.

Član 9.

(Provoz električne energije)

- (1) Tranzit, u skladu sa odredbama Zakona o prijenosu, regulatoru i operateru sistema električne energije u Bosni i Hercegovini, označava prijenos električne energije sa ciljem ispunjavanja ugovora koji se odnose na trgovinu električnom energijom, kada nijedna strana tog sporazuma ne kupuje, niti proizvodi tu električnu energiju u Bosni i Hercegovini. Shodno tome, provoz električne energije je prijenos navedene električne energije preko carinskog područja Bosne i Hercegovine do drugih država, tj. istovremeni, u istom satu, uvoz i izvoz električne energije u provožu.
- (2) Da bi neko lice moglo učestvovati u prijenosu, uvozu ili izvozu električne energije, istom se mora prije toga izdati privremena ili stalna licenca za međunarodnu trgovinu električnom energijom i da ispunjava i druge uvjete propisane za taj postupak. Licence za međunarodnu trgovinu električnom energijom izdaje Državna regulatorna komisija za električnu energiju Bosne i Hercegovine (DERK).
- (3) Evidenciju o provožu električne energije iz člana 6. ovog uputstva koja se odnosi na korisnika postupka vodi NOS BiH.
- (4) NOS BiH je dužan evidenciju iz stava (3) ovog člana staviti na raspolaganje kontrolnom organu UIO, te omogućiti kontrolu poslovne dokumentacije u svrhu kontrole koju taj organ smatra potrebnom u vezi provoza električne energije, s obzirom da je to lice odgovorno za izvršavanje obaveza iz člana 49. Zakona.

DIO TREĆI - PRIJELAZNE I ZAVRŠNE ODREDBE

Član 10.

(Propis koji prestaje važiti)

Danom stupanja na snagu ovog uputstva prestaje važiti Uputstvo o pojednostavljenom carinskom postupku za robu koja se prenosi cjevovodom i električnim vodom ("Službeni glasnik BiH", br. 34/15 i 81/15).

Član 11.

(Stupanje na snagu)

Ovo uputstvo stupa na snagu narednog dana od dana objavljivanja u "Službenom glasniku BiH", a primjenjivat će se od dana početka primjene Odluke o provođenju Zakona o carinskoj politici u Bosni i Hercegovini.

Broj 01-02-2-240-54/21
16. juna 2021. godine
Banja Luka

Direktor
Dr. Miro Džakula

Temeljem članka 15. Zakona o Upravi za neizravno oporezivanje ("Službeni glasnik BiH", broj 89/05) i članka 61. stavak 2. Zakona o upravi ("Službeni glasnik BiH", br. 32/02 i 102/09), ravnatelj Uprave za neizravno oporezivanje donosi

UPUTU

O PROVOŽU ROBE FIKSNIM PRIJEVOZNI INSTALACIJAMA

DIO PRVI - OPĆE ODREDBE

Članak 1.

(Predmet)

Ovom uputom propisuje se postupak provoza robe fiksnim prijevoznim instalacijama, način provođenja i druga pitanja u svezi navedenog.

Članak 2.

(Uporaba muškog i ženskog roda)

Izrazi koji su radi preglednosti dani u jednom gramatičkom rodu odnose se bez diskriminacije i na muškarce i na žene.

Članak 3.

(Zakoni i drugi propisi)

Ako nije drugačije navedeno, podrazumijeva se da upućivanje u ovoj uputi na zakone i druge propise uključuje i izmjene i dopune tih zakona i drugih propisa koje stupaju na snagu datumom stupanja na snagu ove upute ili nakon tog datuma.

Članak 4.

(Pravna osnova)

Postupak provoza reguliran je:

- a) odredbama čl. 65. - 66. i 105. - 114. Zakona o carinskoj politici u Bosni i Hercegovini ("Službeni glasnik BiH", br. 58/15), (u daljnjem tekstu: Zakon),
- b) odredbama čl. 150. i 244. - 341. Odluke o provođenju Zakona o carinskoj politici u Bosni i Hercegovini ("Službeni glasnik BiH", br. 13/19, 54/19 i 21/20), (u daljnjem tekstu: Odluka).

Članak 5.

(Definicije i šifre)

- (1) U smislu ove upute, pojedini izrazi i šifre imaju sljedeće značenje:
 - a) fiksne prijevozne instalacije:
 - 1) "roba koja se prenosi cjevovodom": nafta i naftni derivati, plin i voda,
 - 2) "roba koja se prenosi električnim vodom": električna energija,
 - b) "nadzorni carinski ured" je:
 - 1) kod robe koja se provози cjevovodom: carinski ured nadležan prema mjestu prijema (mjerno mjesto) u završetku provoza cjevovodom,
 - 2) kod robe koja se u izvozu provози cjevovodom: carinski ured nadležan prema mjestu otpreme (mjerno mjesto) stavljanjem u sustav cjevovoda,
 - 3) kod provoza električne energije: carinski ured nadležan prema sjedištu operatera prijenosnog sustava,
 - c) "operater cjevovoda": osoba koja upravlja i odgovorna je za cjevovod i korisnik je postupka provoza,
 - d) "operater prijenosnog sustava": Neovisni operater sustava u Bosni i Hercegovini (u daljnjem tekstu: NOS BiH), uspostavljen Zakonom o prijenosu, regulatoru i operateru sustava električne energije u Bosni i Hercegovini ("Službeni glasnik BiH", br. 7/02, 13/03, 76/09 i 1/11),
 - e) "operater distributivnog sustava": elektroenergetski subjekt nadležan za evidentiranje i kontrolu